



COMUNU DE ARRESI

ÀREA SÒTZIO ASSISTENTZIALI PEDAGÒGICA

Pratza Aldo Moro 1, 09010 SANT'ANNA ARRESI – Tel.0781.96691

P.IVA 01351570922 C.F. 81001910926

Alliòngiu I. Determinatzioni n.21/2022

AVISU PÙBBlicu

PO SA PRESENTAZIONI DE IS DOMANDAS DE AMMISSIONI A IS MESURAS DE APRETU DE SOLIDARIEDADI PO AFRONTAI S'EMERGÈNTZIA ECONÒMICO - SOTZIALI CHI ARRIBAT DE SA PANDEMIA SARS-COV-2

SA RESPONSÀBILLI DE S'ÀREA SÒTZIO-ASSISTENTZIALE-PÙBBlica ISTRUZIONI

ARREMONAUS

- **S'ordinàntzia de su Capu de Dipartimentu de sa Protetzioni Civili n..658 de su 29 de martzu 2020**, chi tenit “àterus interventus de apretu de protetzioni civili in relatzioni a s'emergèntzia relativa a s'arriscu sanitàriu cunnètiu a s'insurgèntzia de patologias chi nascint de agentis viralis transmissibilis” chi prevediat mesuras relativas a interventus de apretu urgenti di protezione civile in relazione all'emergenza relativas a “RESORSAS PO SA SOLIDARIEDADI ALIMENTARI DE DESTINAI A IS NÙCLEUS FAMILIARIS PRUS ESPOSTUS A IS ARRISCUS DERIVANTIS DE S'EMERGÈNTZIA EPIDEMIOLOGICA”;
- Sa Deliberatzioni de su Consigliu de is Ministrus de su 31 de gennàrgiu 2020, chi prevedit mesuras de sustegnu in favori de sa parti fràgili de sa comunidadi;
- Su **DECRETU-LEI 25 DE MAJU 2021, n. 73**, de “Mesuras de apretu cunnètiyas cun s'emergèntzia COVID-19, po is impresas, su traballu, is giòvanus, sa saludi e is servìtzius territorialis” cunvèrtiu cun sa **Lei 23 de mesi de argiolas 2021, n. 106**, chi in s'art. 53 prevedit unu fundu de 500 miliones de èuros po su 2021, de erogai a totus is comunus, cun s'iscopu de permiti a is comunus de adotai mesuras de apretu de solidariedadi alimentari e fintzas de sustegnu a is famìlias chi si agatant in stadu de abisòngiu po su pagamentu de cànonis de locatzioni e de is utèntziyas domèsticayas. ;
- Sa Delibera de Giunta Comunale N. 102 de su 10.08.2021, de “MISURE URGENTI DI SOLIDARIETA' PER FRONTEGGIARE L'EMERGENZA ECONOMICO-SOCIALE DERIVANTE DALLA PANDEMIA SARS-COV-2. NEL 2021”;
- Su **DECRETU-LEI 23 de donniasantu 2020, n. 154**, de “MESURAS FINANTZIÀRIAS DE APRETU CUNNÈTIAS A S'EMERGÈNTZIA EPIDEMIOLOGICA DE COVID 19”, chi a s'art. 2 prevedit unu fundu de àterus 400 milionis de èurus in su 2020, de erogai a dònna comunu, acrarendi chi, po s'atuatzioni de s'esercìtzium de chi si chistionat, is comunus ant a depi aplicai sa disciplina sigundu s'ordinàntzia n.658 de su 2020 giai arremonada;;
- Sa **Deliberatzioni de sa G.M. n. 60 de su 08/10/2021**, chi tenit po ogetu “Mesura de apretu de solidariedadi po afrontai s'emergèntzia econòmico-sotzialis chi arribat de sa Pandemia Sars – Cov-2 in su 2021, atu de inditu, cun sa cali sunt stabilius is fundus e is critèrius de

atributzioni de is summas de assignai a is famìlias de su Comunu de Arresi chi si agatant in istadu de dificultadi;

- Custa proposta de determinatzioni de su Responsàbili de s'Àrea;

FAIT SCIRI

ca custa amministratzioni bolit sustenni is custos po sa TARI e su Servìtziu Ìdricu Comunali, sigundu s'afutanti::

ART. 1 – TIPOLOGIA DE S'INTERVENTU E DESTINATÀRIUS

1. Sa ridutzioni de is spesas sustennias po sa Tassa de is Refudus (TARI) de s'annu 2022, in sa mesura de su 25% de is custos annualis totalis e fintzas a chi spaciati su fundu disponibili cuantificau in €.25.200,00 in favori de is famìlias cumpostas de assumancus n.3 cumponentis e unu ISEE prus bàsciu de €. 20.000,00;

2. Sa ridutzioni de is ispesas de su servìtziu ìdricu comunali de s'annu 2021, in sa mesura de su 25% de su costu annuali totali, de destinai in favori de is famìlias cumpostas de assumancus n.3 cumponentis e unu ISEE prus bàsciu de €. 20.000,00, po una cuota stabilia de €. 17.306,00

ART.2 – DURADA DE S'INTERVENTU

Sa durada de su benefitziu est stabilia fintzas a sa disponibilitadi de is fundus postus a disponimentu de su Comunu de Arresi, a comenti asserit de atu de Giunta Comunali n. 60/2021. Is destinatàrius s'ant a individuai cun graduatòria aprontada apostadamenti. S'Ufitziu de is servìtzius sotzialis at a provedi a stabilire una graduatòria sigundu su rèdditu ISEE 2022 e dd'at a mandai a s'Ufitziu Tributus po aprontai is atus netzessàrius.

ART. 3 – RECUÌSIUS DE ATZESSU E CRITÈRIUS

Podint atzedi a is mesuras in argumenti sceti is famìlias cumpostas de assumancus n.3 de cumponentis e unu ISEE prus bàsciu de €. 20.000,00. S'atzessu a su benefitziu po sa ridutzioni s'at a fai in sa base de una graduatòria de is chi tenint deretu. At a essi su titulari de su cuntratu de sa frunnidura de s'àcua e s'intestatàriu de su tributu TARI, a comenti arrisurtat in sa piattaforma comunali, chi depit presentai s'istàntzia. Sa ridutzioni cuntzèdia si riferit a is custos po is utèntzias de sa primu domu..

ART. 4 – PROTZEDURA PO SA PRESENTATZIONI DE IS DIMANDAS

Su Bandu est abertu de sa data de publicatzioni de custu avisu in s'albu pretòriu on line e in su situ internet de su Comunu. Is demandas de partecipatzioni depint essi presentadas sceti o a manu o via email non prus a trigadiu de is **h.12 :00 de su 12.05.2022.**

Modalidadi di inviu:

IN UNU FILE SCETI E UNA MAIL SCETI E IN FORMAU PDF

posta ordinària: messi@comune.santannaarresi.ca.it;

posta tzertificatda: protocollo.santannaarresi@pec.it. (de PEC a PEC)

intrega a manu: intregada a manu, ponendi sa dimanda cun is alliongius in busta serrada, cun s'inditu de su mitenti e de su destinatariu, in sa cascita de sa posta arrùbia posta in foras de ssu palàtziu comunale.

Is mòdulus de dimanda funt disponìbilis in su situ <https://www.comune.santannaarresi.ca.it> , e in su totem in s'intrada.

A s'istàntzia, fata in forma de decrarazioni sostitutiva sigundu is art.s 46 e 47 de au DPR 445/2000, si depint alliongiari:

1. Còpia de su documentu de identidadi;
2. Còpia de su còdixi fiscale;
3. Còpia ISEE in vigèntzia;
4. Còpia de su còdixi IBAN;

a) Totus is recuisius ant a depi essi possèdius e decraus a sa data de presentazioni de sa dimanda e mantènnius po totu sa durada de su benefitziu.

b) Sa lista de is chi tenint diritu e de is chi sunt esclùdius ant a essi aprovada cun determinazioni chi s'at publicai in su situ de su Comune. Sa publicazioni tenit valori de notifica cun totus is cautelas de is datus personalis e sensìbilis de is tzitadinus interessaus. A custu scopu a dònna richeridori at a essi assegnau unu còdixi identificativu chi at a torrai paris cun su nùmeru de protocollu. Custu còdixi at a essi inditau in sa graduatòriu, cun s'èsitu de sa gràduatòria etotu e s'eventuali arrexoni de esclusioni. Eventuali riscursus s'ant a podi presentai a s'Ufitziu Protocolu Generali de su Comune de Arresi cun is pròpias maneras prevèdias po presentai s'istàntzia, in paperi simpli cun indiritzu "A su "Responsàbili de is Servìtzius Socialis" e ddoi ant a depi èssiri inditaus is generalidadis cumpletas de su richeridori e is arrexonis pretzisas poita ca si presentant is osservationis..

Art. 5 - CÀUSAS DI ESCLUSIONI

Funt esclùdius de su programma is chi:

- a) donint decrarationis farsas sigundu su DPR 445/2000;
- b) asserint a essi sena de is recuisius generalis e spetzificus prevèdius de is dispositzionis de lei e de custu avisu.

Art. 6 - VERIFICAS

S'Ufitziu at a protzedi a is verificas de is decrarazioni, atzertendi decrarationis farsas eventualis. S'Enti at a provedi a fai is verificas formalis a pitzus de sa veriditidadi de is decrarationis donadas de is benefiziàrius potenzialis po mèdiu de s'atzessu a is bancas datus disponìbilis e in collaborazioni cun àterus Entis/Ufitzius.

ART. 7- TRATAMENTU DE IS DATUS PERSONALIS

Is datus personalis furnius in s'istàntzia e in sa documentazioni alliongiada a s'istàntzia etotu, in su rispetu de is dispositzionis cuntènnias in su D.Lgs. 196/03 "Còdixi in matèria de is datus personalis" e de su Regolamento UE 2016/679, ant a essi trataus e oberau po is scopus cunnètuus e

s'espletamentu de sa protzedura in ogetu de su Comunu de Arresi. Su cunferimentu de is datus tenit natura obligatòria sendi ca non si podit fai de mancu po s'espletamentu de is protzeduras arricchedidas. Su denegu a su cunferimentu de is datu opuru s'indicatzioni mancanti de una parti de is datu at a podi cumporai s'annullamentu de su protzedimentu po s'impossibilitadi a realizai s'istrutòria.

Su tratamentu de is datus s'at a fai cun s'ausiliu de mezus informàticus e podint essi comunicaus e is àterus sugetus coinvoltus in sa gestioni de su protzedimentu e is chi sunt incarrigaus de fai is controllus prevèdius de sa normativa in vigèntzia.

Su responsàbili de su tratamentu de is datu est sa Dot.a Antonella Serrenti.

Art. 8 – PUBBLICIDI DE S'AVISU PÙBBlicu

Còpia de custu Avisu e de su mòdulu de domanda po s'ammissioni a su benefitziu funt a disponimentu de is tzitadinus, sigundu sa Lei 7 austu 1990, n.241 e mudas afatantis, in s'Albu Pretòriu Comunali on line e in sa home page de su situ iternet de su Comunu de Arresi.

Arresi, 05/04/2021

SA RESPONSÀBILI DE SU SERVÌTZIU

Dot.a A. Serrenti

Tradùsiu in sardu a incuru de su sportellu lingua sarda – atividadi finantziada cunformas a sa lei 482/99 – annualidai 2021 Progetu "Atòbius e Fueddus" - Comunu de Arresi (cabutruma), Teulada, Masainas, Piscinas, Sa Baronia-Villaperùciu, Nuxis.